

## Vedtekter for kommunale barnehagar i Osterøy kommune

### 1. Eigartilhøve

Osterøy kommune står som eigar av seks barnehagar. Barnehagane er administrativt knytt til sektor for Oppvekst, undervisning og kultur. Det daglege ansvaret er delegert til styrar ved kvar barnehage.

### 2. Lovverk

Barnehagane skal drivast i samsvar med Lov om barnehagar, gjeldande forskrifter og retningslinjer, kommunale vedtak og planar for den einskilde barnehage.

### 3. Føremål

Føremålet med barnehagar er beskrive i Barnehagelova (2021), § 1

*“Barnehagen skal i samarbeid og forståelse med hjemmet ivareta barnas behov for omsorg og lek, og fremme læring og danning som grunnlag for allsidig utvikling. Barnehagen skal bygge på grunnleggende verdier i kristen og humanistisk arv og tradisjon, slik som respekt for menneskeverdet og naturen, på åndsfrihet, nestekjærlighet, tilgivelse, likeverd og solidaritet, verdier som kommer til uttrykk i ulike religioner og livssyn og som er forankret i menneskerettighetene.*

*Barna skal få utfolde skaperglede, undring og utforskertrang. De skal lære å ta vare på seg selv, hverandre og naturen. Barna skal utvikle grunnleggende kunnskaper og ferdigheter. De skal ha rett til medvirkning tilpasset alder og forutsetninger.*

*Barnehagen skal møte barna med tillit og respekt, og anerkjenne barndommens egenverdi. Den skal bidra til trivsel og glede i lek og læring, og være et utfordrende og trygt sted for fellesskap og vennskap. Barnehagen skal fremme demokrati og likestilling og motarbeide alle former for diskriminering.”*

Barnehagane skal primært ivareta barna sine behov. Desse behova er igjen nært knytt til foreldre sine livsvilkår og samfunnsutviklinga elles.

### 4. Personalet i barnehagen

Osterøy kommune følger norm for pedagogisk bemanning og bemanningsnorm jfr. Barnehagelova (2021), kapittel VI. Barna vert rekna som 3 år frå august det kalenderåret dei fyller 3 år, og organisering av personalet og avdelingar vert tilpassa barna sin alder og lovkrava om pedagogisk bemanning og bemanningsnorm.

Den som vert tilsett midlertidig eller fast skal levere tilfredstillande politiattest innan dei byrjar i stillinga, j.fr Barnehagelova §30. Det vert utarbeida arbeidsavtale for alle tilsette og samtlege har tieplikt om den informasjonen dei får om til dømes barn, foreldre og andre tilsette, j.fr. reglane om tieplikt i Forvaltningslova § 13.

## **5. Foreldremedverknad og Samarbeidsutval, jfr.§4**

For å sikra samarbeid med heimane til barna, skal kvar barnehage ha eit foreldreråd og eit samarbeidsutval (SU). I foreldrerådet er alle foreldre medlemmar, ein skal fremje foreldre sine fellesinteresser og bidra til samarbeid og eit godt barnehagemiljø for alle barn.

Kvar barnehage skal ha eit samarbeidsutval, SU, der foreldre og dei tilsette vel sine representantar til SU og er likt representert. Samarbeidsutvalet skal vere orientert om saker som er viktig for innhaldet i barnehagen, for verksemda og for forholdet til foreldre. Årsplanen skal godkjennast av SU. Det skal førast protokoll frå kvart møte i SU. Styrar ved barnehagen er sekretær for SU og har møte-, tale- og forslagsrett. Representant for dei tilsette og foreldre vert vald for 1 år om gongen. Kommunen sin representant vert vald for 4 år.

## **6. Tilbod om barnehageplassar**

### **6.1 Opptak i barnehage**

Kommunen er opptaksmynde og syter for at private og kommunale barnehagar har eitt samordna hovedopptak kvart år til det beste for barn og foreldre, jfr. Barnehagelova §17.

Opptakskrins for kommunale barnehagar er barn som er busett og folkeregistrert i Osterøy kommune. Opptak av born i den einskilte barnehage vert gjort av styrar ved kvar barnehage. Ein søker om barnehageplass i programmet Vigilo via heimesida til Osterøy kommune.

#### ***Hovedopptak med søknadsfrist 1.mars (frå 2022)***

Tilbod om plassar til dei borna som har rett til plass i barnehage, jfr Barnehagelova §16.

*«Rett til plass i barnehage*

*Barn som fyller ett år senest innen utgangen av august det året det søkes om barnehageplass, har etter søknad rett til å få plass i barnehage fra august i samsvar med denne loven med forskrifter.*

*Barn som fyller ett år i september, oktober eller november det året det søkes om barnehageplass, har etter søknad rett til å få plass i barnehage innen utgangen av den måneden barnet fyller ett år i samsvar med denne loven med forskrifter. Barnet har rett til plass i barnehage i den kommunen der det er bosatt».*

#### ***Overflyttingsopptak med søknadsfrist 15.februar (frå 2022)***

Barn som har barnehageplass i Osterøy kommune og som ønskjer å byte barnehage må søke innan 15.februar. Dette er barn som har fått retten til barnehageplass innfridd og som ikkje har krav på ny barnehageplass. Det er ikkje ein garanti for å få plass, men det vert vurdert om det er mogeleg å gje plass og samstundes ivareta dei borna som har rett på barnehageplass i hovedopptaket. Denne vurderinga gjer styrar og barnehagemynde saman.

#### ***Suppleringsopptak***

Dersom barnehagane får ledige plassar i løpet av året vil styrar gje tilbod om plass ut frå opptakskriteriene og ventelista i den aktuelle barnehagen.

## 6.2 Opptakskriterier for dei kommunale barnehagane

Det kjem fram av Barnehagelova §13 og §16 at har nokon rett til prioritet ved opptak. Kommunen har høve til å setje eigne opptakskriterier. Opptakskriterier gjeld under føresetnad av at dokumentasjon vert lagt fram når det er søkt om barnehageplass. Punkta står i prioritert rekkefølge.

- a. Barn med nedsett funksjonsevne jfr. Barnehagelova § 13. Krav: dokumentasjon av lege.
- b. Barn som det er fatta vedtak om etter Lov om barneverntenester og Barnehagelova § 13.  
Krav: dokumentasjon frå barneverntenesta.
- c. Barn som har rett til barnehageplass, j.fr Barnehagelova §16.
  - i. Barn av fast tilsette i kommunen, i bransjar der det er vanskeleg å rekruttere tilsette.  
Krav: dokumentasjon av tilsetting
  - ii. Søsken i same barnehage. Krav: vis til søsken i søknaden.
  - iii. Barn som har rett til barnehageplass, j.fr §16.
- d. Barn som har plass i barnehagar og ønskjer å byte barnehage.

## 6.3 Klage på opptak

Tildeling av barnehageplass skal skje i samsvar med fastsette opptakskriterier. Visar til § 6 -10 i Forskrift om sakshandsamingsreglar ved opptak i barnehage.

Ved hovedopptaket kan søkar klage over avslag på søknad eller om søkar verken får oppfylt første eller andre ønskje. Ved suppleringsopptak og overflyttingsopptak har berre dei som har prioritet ved opptak j.fr. Barnehagelova §13 og opptakskriteriene a og b, klagerett.

## 7. Oppseiing og permisjon

Oppseiing må skje innan den 1. i kvar månad og oppseiingstida er 1 månad.

Foreldre seier opp plassen i Vigilo-programmet.

Ved ny plass; dersom plassen vert sagt opp etter 15.mai må det betalast for heile august.

Dersom ein flyttar ut frå kommunen mister ein retten til barnehageplass i Osterøy kommune.

Det kan gjevast permisjon frå barnehageplass i inntil eit barnehageår.

Permisjonssøknad må vere skriftleg og behandlast av styrar. Søknaden må leverast innan den 1.i månaden og kan ta til tidlegast 1 månad etter. Etter endt permisjonstid kan kommunen ikkje garantere plass til ei viss tid, men foreldre vil få tilbod når det vert ledig plass.

## **8. Opningstider, ferie og planleggingsdagar**

Familiane står fritt til å nytte opningstida i barnehagane slik dei ønskjer.

Opningstida til dei kommunale barnehagane er følgande alle kvardagar:

- Lonevåg barnehage kl. 07.00-16.30
- Hauge barnehage kl. 07.00-16.30
- Haus barnehage kl. 07.00-16.30
- Valestrand barnehage kl. 06.55-16.30
- Fotlandsvåg barnehage kl. 07.00-16.30
- Mjøsdaalen barnehage kl. 07.00-16.00

Barna skal sikrast tre veker ferie og dei skal vera samanhengande. Det er ikkje krav om at barna har ferie utover desse tre vekene. Barnehagane er feriestengt dei tre siste vekene i juli.

Barnehagen har seks planleggingsdagar - desse dagane er barnehagen stengt.

Juli månad er betalingsfri og dekker tre veker ferie i juli og planleggingsdagar gjennom eit barnehageår.

Barnehagane er stengt 24. desember og 31. desember.

Onsdag før påske er barnehagane opne til kl.12.

## **9. Betaling, søskenmoderasjon og redusert foreldrebetaling**

Stortinget fastset maksimalpris for ein barnehageplass kvart år når dei behandlar statsbudsjettet.

Prisen vert då regulert i tråd med den nasjonale prisreguleringa.

Barnehagane kan ta kostpengar i tillegg, som skal dekke måltida barna får servert i barnehagen.

### **9.1 Betaling for barnehageplass**

Faktura på barnehageplassen vert sendt ut i byrjinga av månaden. Om fakturaen ikkje vert betaling vil første purring sendast ut 14 dagar etter betalingsfrist. For skriftleg purring vert det lagt til purregebyr. Rente ved forseinka innbetaling er 12% jfr. "Lov om forseinka betaling" 17.12.76. og "Lov om inkasso" av 13.08.88 nr.26 med forskrift.

Om foreldre ikkje klarar å betale skal det setjast opp ei nedbetalingsordning mellom foreldre og kommunen. Foreldre kan kontakte styrar om dette på eige initiativ.

### **9.1 Søskenmoderasjon**

Dersom ein har fleire barn i barnehagane vil foreldre få søskenmoderasjon. Barn nr.1 betalar full pris, barn nr 2 får 30% frådrag og barn nr. 3 får 50% frådrag. Foreldra treng ikkje søke om dette.

### **9.2 Redusert foreldrebetaling og gratis kjernetid**

Ein barnehageplass skal ikkje koste meir enn 6 % av familien si inntekt og foreldre har då rett på redusert pris. Foreldre må søke via barnehageopptakssystemet Vigilo og leggje ved dokumentasjon på hushaldet si samla inntekt. Det må søkast på nytt kvart barnehageår og det må leggst ved oppdatert dokumentasjon på inntekt.

Foreldre kan søkje «redusert foreldrebetaling» og «gratis kjernetid», som gjeld barn 2-5 år, om familien har ei samla inntekt under ei viss inntektsgrense. Frå 1.august 2021 er inntektsgrensa for redusert foreldrebetaling kr 583.650,-.

## **10. Internkontrollsystem og arealutnytting**

Miljøretta helsevern i Bergen Kommune er leid inn av Osterøy kommune til å føre tilsyn med barnehagar og skuler etter forskrift om Miljørettet helsevern i barnehager og skoler m.v. Forskrifta er heimla i Folkehelselova.

### **10.1 Internkontroll**

Kvar barnehage har eit internkontrollsystem som dokumenterar at helse, miljø og tryggleik er ivareteken jfr. Osterøy kommune sitt HMT- system og forskrift om Miljøretta helsevern.

### **10.2 Godkjent leike- og opphaldsareal**

Med leike- og opphaldsareal meiner ein det arealet som reelt står til rådvelde for barnehagen sine aktivitetar og som er godkjent av Miljøretta helsevern.

Osterøy kommune har 4 m<sup>2</sup> leike- og opphaldsareal per barn over 3 år.

Barn under 3 år har 5,3 m<sup>2</sup> leike- og opphaldsareal per barn.

Utearealet i barnehagen bør vere om lag seks gonger leike- og opphaldsarealet inne.

Vedtektene vart  
lagt fram for Formannskapet 17.03.21